



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1230. Usque Ad Annum 1248

Fleury, Claude

August. Vind. [u.a.], 1764

VD18 90118049

§. 7. Querelæ de Religiosis Mendicantibus.

[urn:nbn:de:hbz:466:1-66268](https://nbn-resolving.org/urn:nbn:de:hbz:466:1-66268)

Sæcul. XIII.

A.C. 1243.

tos condemnasse, cum hunc in finem omnes Professores Parisienses convocasset. Non tamen id obstat, quin illi post triennium numerosiore in confesso damnari potuerint.

§. VII.

Querelæ de Religiosis Mendicantibus.

Matth. Par.
p. 549.

Eodem tempore inter duos Ordines Mendicantes exorta est controverfia, uter potiores haberet partes? Fratres Prædicatores dicebant: *Nos sumus priores: vestimur honestius: ad verbi divini præconium, quod est munus Apostolicum, destinati sumus, & ab illo nomen cepimus.* Fratres Minores reponebant: *Amore Dei genus vivendi austerius ac demissius & hoc ipso sanctius amplexi sumus. Unde factum, ut vos transferre ad nos possitis. Ad ea Prædicatores: Verum est, vos nudis pedibus male amictos & cinctos funibus incedere. At quis vetat, ne carnibus ut nos vescamini, & palam quidem, ac victu lautiore utamini? Quare negamus, nobis transire ad vos licere: potius contrarium asserimus.*

Matthæus Paris hanc litem referens suo nomine addit: *Magnæ illa offensioni fuit, sicut dissidium Templarios inter ac Hospitalarios in Terra sancta; & ista Fratrum*

trum Mendicantium discordia eo periculo-
 sior est Ecclesiae, quod sint viri litterati,
 & studiis dediti. Res auditu molesta! Id
 hominum genus, quod ad summum octoginta
 abhinc annis in Anglia ponere domicilia
 cepit ab instituto suo magis descivit, quam
 Ordo Monasticus per annos plures qua-
 dringentis. Illi aedificia jam palatiorum
 instar erecta indies extendunt, ibique incesti-
 mabiles ostentant opes contra paupertatem
 suae professionis basin & fundamentum.
 Optimatibus ac opulentis viris, morti pro-
 ximis, non sine damno pastorum ordinario-
 rum studiose assistunt lucro intenti, secreta-
 que testamenta extorquent, suum duntaxat
 ordinem posthabitis caeteris commendantes,
 ita, ut nemo credat aeternam salutem se
 posse consequi, nisi curae Praedicatorum
 Minorumve se committat. Conantur im-
 munitates ac praerogativas acquirere: Re-
 gum ac Procerum consiliis se immiscent: il-
 lorum cubicularios agunt, & thesauros cu-
 stodiunt, nuptiasque conciliant. Exequun-
 tur exactiones Papae: adulantur & mor-
 dent in suis concionibus, ac per correctiones
 imprudentes sacras confessiones produnt.
 SS. Benedicti & Augustini Ordines ab Ec-
 clesia approbatos despiciunt; suum reliquis
 omnibus praeserunt: Cistercienses monachos
 rudes, agrestes, & hemilaicos, Cluniacenses
 superbos ac Epicuræos appellant. Mat-
 thæus Paris, qui sic loquebatur, antiquus

Sæcul. XIII.

A. C. 1243.

p. 541.

Sæcul. XIII. monachus Benedictinus erat, quod me-
A.C. 1243. minisse oportet.

1. ep. 37.

Inter epistolas Petri de Vineis, qui Cæsari Friderico a secretis erat, invenimus aliquam nomine Cleri scriptam, & huic Imperatori, ut videtur, missam, graves de Fratribus Mendicantibus querimonias continentem. *Jam inde ab origine sua, dicit hæc epistola, eos odium in nos conceptum impulit ad nostram vivendi agendique rationem in concionibus suis infamandam, juraque nostra ita imminuerunt, ut ad incitas redacti simus. Olim ex auctoritate munerum nostrorum Principibus imperavimus, metumque populis incussimus: nunc irrisui eis ac ludibrio sumus. Illi Fratres, dum alienam in messem involabant, nostras paulatim functiones nobis præripuerunt, sacrum tribunal, baptismum, extremam unctionem, ac cæmeteria sibi arrogantes. Et modo, ut eo magis attenuarent jura nostra & bonam privatorum hominum voluntatem a nobis avocarent, duo sodalitia nova instituerunt, in quæ viros ac fœminas tam generatim suscipiunt, ut fere nemo alterutri non sit insertus. Ita sodales in eorum templa cum convenient, in nostris parochianos solennibus præsertim diebus habere non possumus: & quod pejus est, male se putant agere, si verbum divinum ex aliis, quam his e Fratribus audiant. Quamobrem decimis ac donis pri-*
vati

vati labore manuum, arte mechanica, vel
lucro illicito quæcere victum cogemur.

Sæcul. XIII.
A. C. 1247.

Jam nullum nos inter & laicos discrimen, immo conditio nostra deterior est, quia nobis nec Clericos cum honore, nec laicos esse per conscientiam licet. Quid restat igitur, nisi ut a fastigio ad ima fundamenta diruantur templa nostra, ubi præter æs campanum & fumosam quandam imaginem nihil superest? Heu! multa loca alias pro invisentium pietate in superos miraculis numerosis celebria privatorum hominum utensilibus repleta sunt: altaria quondam probe ornata vix operit linteum rude idemque lacerum: pavimentum antehac lotum solicite, bellisque herbis ac floribus constratum pulvis & sordes tegunt. Interea nobis potiores facti Fratres Mendicantes, qui casas primum & tuguria incolebant, altis suffulta columnis, & in peculiare divisa sedes palatia construxerunt, quorum sumptus ad indigentiam pauperum impendi debuerant: hi Fratres, qui inter initia suorum Ordinum res caducas & vanam gloriam calcare pedibus videbantur, contemptum resumunt fastum; nihilque habentes omnia possident, ipsis divitibus ditiores: & nobis, qui fortunis non immuniti dicimur, victus precario conquirendus est. Igitur ad Majestatis tuæ pedes accedimus, ut promptum malo remedium adhibeat, ne invalescente nos inter & Fra-

Sæcul. XIII. *tres illos odio fides ex ipsis incrementi sui*
A C. 1243. *causis creditis periclitetur.* Clerus his in
 querelis majus commodorum tempora-
 rium, quam animarum salutis studium
 commonstrat.

§. VIII.

*Comes Tolosanus Papam sibi re-
conciat.*

Ric. S. Ger. **R**aymundus Tolosanus Comes an. 1243
p. 1040. 1042 mense Septembri in Apuliam ad Im-
 peratorem delatus, transacta ibi hyeme,
 toto insuper anno sequente in Italia man-
 sit, identidem Romam proficiscens, ut pa-
 cem inter Papam & Cæsarem confice-
 ret. Absolutionem quoque tum per se
 ipsum, tum per Legatos postulabat, se
 mandatis ejus obtemperaturum spon-
 dens. Ergo Papa 2. Decembris anno
 1243. Archiepiscopo Bariensi præcepit,
 ut Comitem audito ipsius juramento soli-
 to absolveret. Etiam credibile est, Prin-
 cipis hujus precibus adscribendum, quod
 Papa Innocentius per litteras Inquisito-
 res Galliæ juberet hæreticorum reditum
 promovendi causa cunctos, qui non da-
 mnati nec convicti Ecclesiæ reconcilia-
 tionem ultro poscerent, nulla imposita
 pœna recipere, idque in locis, quæ fun-
 ctiones suas obituri peterent, post adven-
 tum suum edicere, certum statuentes
 tem-

L. epist. 266.
ap. Rain.
1243. n. 31.

L. epist. 3. 6.
ap. Rain.
ibid.